







玉臺新詠

抄本

玉吉室新詠集并序

陳尚書左僕射太子少傅東海徐陵字孝穆撰



夫凌雲既日由余之所未窺千門萬戶張衡之所曾賦周王壁臺之上漢帝金
屋之中玉樹以珊瑚作技珠簾以瑇瑁爲押其中有麗人焉其人五陵豪族充
選掖庭四姓良家馳名永巷亦有潁川新市河間觀津本號嬌娥曾名巧笑楚
王宮裏無不推其細腰衛國佳人俱言訝其纖手閱詩啟禮豈東隣之自媒婉
約風流異西施之被教弟兄協律生小學歌少長河陽由來能舞琵琶新曲無
待石崇筵筵雜引非關曹植傳鼓瑟於楊家得吹簫於秦女至若寵聞長樂陳
后知而不平畫出天僊關氏覽而遙妒至如東隣巧笑來侍寢於更衣西子微
顛得橫陳於甲帳陪遊駁娉騁纖腰於結風長樂鴛鴦奏新聲於度曲妝鳴蟬
之薄鬢照墮馬之垂鬟反挿金鈿橫搯寶樹南都石黛最發雙蛾北地燕支偏
開兩靨面亦有嶺上僊童分凡魏帝曹中寶鳳授曆軒轅金星將務女爭華麝月
與常娥競美驚鸞治袖時飄韓椽之香飛鸞長裾宜結陳王之珮雖非圖畫入
甘泉而不分言異神僊戲陽臺而無別真可謂傾國傾城無對無雙者也加以
天時開朗逸思雕華妙解文章尤工詩賦瑠璃硯終日隨身翡翠筆牀無時

離手清文滿篋非惟芍藥之花新製連篇寧止蒲萄之樹九日登高時有緣情
之作萬年公主非無累德之辭其佳麗也如彼其才情也如此既而椒宮宛轉
柘觀陰岑絳鶴晨嚴銅蟲畫靜三星未夕不事懷衾五日猶賒誰能理曲優遊
少託寂寞多閑厭長樂之踈鐘勞中宮之緩箭纖曹無力怯南陽之擣衣生長
深宮笑扶風之織錦雖復投壺玉女爲觀盡於百嬌爭博齊姬心賞窮於六著
無怡神於暇景惟屬意於新詩庶得代彼皋蘇蠲茲愁疾但往世名篇當今巧
製分諸麟閣散在鴻都不藉篇章無由披覽於是然脂暝寫弄筆晨書選錄豔
歌凡爲十卷曾無參於雅頌亦靡濫於風人涇渭之間若斯而已於是麗以金
箱裝之寶軸三臺妙迹龍伸蠖屈之書五色華箋河北膠東之紙高樓紅粉仍
定魚魯之文辟惡生香聊防羽陵之蠹靈飛太甲高檀玉函鴻烈僊方長推丹
枕至如青牛帳裏餘曲既終朱鳥窗前新妝已竟方當開茲縹帙散此緇繩永
對翫於書幃長循環於纖手豈如鄧學士春秋儒者之功難習竇專黃老金丹之
術不成因勝西蜀豪家託情窮於魯殿東諸甲觀流詠止於洞簫變彼諸姬聊
同棄日猗歟彤管無或譏焉

序

玉臺新詠卷第一

陳尚書左僕射太子少傅東海徐陵字孝穆撰

古詩八首

古樂府詩六首

枚乘雜詩九首

李延年歌詩一首并序

蘇武詩一首

辛延年羽林郎詩一首

班婕妤怨詩一首并序

宋子侯董嬌饒詩一首

漢時童謡歌一首

張衡同聲歌一首

秦嘉贈婦詩三首并序

秦嘉妻徐淑答詩一首

蔡邕飲馬長城窟行一首

陳琳飲馬長城窟行一首

徐幹詩二首

情詩一首

繁欽定情詩一首

古詩無人名爲焦仲卿妻作并

古詩八首

上山采蘼蕪下山逢故夫長跪問故夫新人復何如新人雖言好未若故人姝
顏色類相似手爪不相如新人從門入故人從閤去新人工織練故人工織素
織練日一匹織素五丈餘將練來比素新人不如故

癯癯歲云暮螻蛄多鳴悲涼風率已厲遊子寒無衣錦衾遺洛浦同袍與我違
獨宿累長夜寤想見容輝良人惟古歡枉駕惠前綏願得常巧笑攜手同車歸
既來不須更又不處重闈諒無鷓風翼焉得凌風飛眴眴以適意引領遙相睎

徙倚懷感傷垂涕霑雙扉

冉冉孤生竹結根泰山阿與君爲新婚菟絲附女蘿菟絲生有時夫婦會有宜
千里遠結婚悠悠隔山陂思君令人老軒車來何遲傷彼蕙蘭花含英揚光輝
過時而不采將隨秋草萎君亮執高節賤妾亦何爲

孟冬寒氣至北風何慘慄愁多知夜長仰觀衆星列三五明月滿四五蟾兔缺
客從遠方來遺我一書札上言長相思下言久離別置書懷袖中三歲字不滅
一心抱區區懼君不識察

客從遠方來遺我一端綺相去萬餘里故人心尚尔文彩雙鴛鴦裁爲合歡被
著以長相思緣以結不解以膠投漆中誰能別離此

四坐且莫誼願聽歌一言請說銅鑪器崔嵬象南山上枝以松柏下根據銅盤
彫文各異類離婁自相聯誰能爲此器公輸與魯班朱火然其中青煙颺其間
從風入君懷四坐莫不歎香風難久居空令蕙草殘

悲與親友別氣結不能言贈子以自愛道遠會見難人生無幾時顛沛在其間
念子棄我去新心有所歡結志青雲上何時復來還

穆穆清風至吹我羅裳裾青袍似春草長條隨風舒朝登津梁山褰裳望所思

安得抱柱信皎日以爲期

古樂府詩六首

日出東南隅照我秦氏樓秦氏有好女自言名羅敷羅敷善蠶桑采桑城南隅
青絲爲籠繩桂枝爲籠鉤頭上倭墮鬋耳中明月珠綠綺爲下裾紫綺爲上襦觀
者見羅敷下擔捋鬋鬚少年見羅敷脫巾著帽頭耕者忘其耕鋤者忘其鋤來
歸相喜怒但坐觀羅敷使君從南來五馬立峙壻使君遣吏往問此誰家妹秦氏
有好女自名爲羅敷羅敷年幾何二十尚未滿十五頗有餘使君謝羅敷寧可
共載不羅敷前置辭使君一何愚使君自有婦羅敷自有夫東方千餘騎夫婿
居上頭何以識夫婿白馬從驪駒青絲繫馬尾黃金駱馬頭腰間鹿盧劍可
直千萬餘十五府小吏二十朝大夫三十侍中郎四十專城居爲人潔白皙鬚鬚頗有
鬚盈盈公府步冉冉府中趨坐中數千人皆言夫婿殊 日出東南隅行

相逢狹路間道隘不容車如何兩少年挾轂問君家君家誠易知易知復難忘黃金
爲君門白玉爲君堂堂上置樽酒使作邯鄲倡中庭生桂樹華燈何煌煌兄弟兩
三人中子爲侍郎五日一來歸道上自生光黃金駱馬頭觀者滿路傍入門時左顧
但見雙鴛鴦鴛鴦七十二維列自成行音聲何雍雍鶴鳴東西廂大婦織羅

綺中婦織流黃小婦無所作挾瑟上高堂丈人且安坐調絲未遽央相逢狹路間
天上何所有歷歷種白榆桂樹夾道生青龍對道隅鳳皇鳴啾啾一母將九鵠
顧視世間人爲樂甚獨殊好婦出迎客顏色正敷愉伸臂再拜跪問客平安不
請客北堂上坐客氎氎能清白各異樽酒上正華疏酌酒持與客客言主人持
却略再拜跪然後持一椀談笑未及竟左顧勅中厨促令辦粗飯慎莫使稽留
廢禮送客出盈盈府中趨送客亦不遠足不過門樞取婦得如此齊姜亦不如
健婦持門戶勝一大丈夫隴西行

翩翩堂前鸞冬藏夏來見兄弟兩人流蕩在他縣故衣誰當補新衣誰當綻
賴得賢主人臨見取爲吾綻夫婿從門來斜柯西北晒語卿且勿晒水清石自見
石見何纍纍遠行不如歸豔歌行

皚如山上雪皎若雲間月聞君有兩意故來相決絕今日斗酒會明旦溝水頭
躑躅御溝上溝水東西流淒淒復淒淒嫁娶不須嘯願得一心人白頭不相離
竹竿何嫋嫋魚尾何蕤蕤男兒重意氣何用錢刀爲皚如山上雪

飛來雙白鵠乃從西北來十將五五羅列行不齊忽然卒疲病不能飛相隨五
里反顧六里徘徊吾欲銜汝去口噤不能開吾欲負汝去羽毛日摧積樂哉新

相知憂來生別離峙嶠顧羣侶淚落縱橫垂今日樂相樂延年萬歲期雙白鵠

枝乘雜詩九首

西北有高樓上與浮雲齊交疏結綺窻阿閣三重階上有弦歌聲音響一何悲
誰能爲此曲無乃杞梁妻清商隨風發中曲正徘徊一彈再三歎慷慨有餘哀
不惜歌者苦但傷知音稀願爲雙鴻鵠奮翅起高飛

東城高且長逶迤自相屬回風動地起秋草萋已綠四時更變化歲暮一何速
鷓鴣風懷苦心蟋蟀傷局促蕩滌放情志何爲自結束燕趙多佳人美者顏如玉
被服羅裳衣當戶理清曲音響一何悲弦急知柱促馳情整巾帶沈吟聊躑躅
思爲雙飛鸞銜泥巢君屋

行行重行行與君生別離相去萬餘里各在天一涯道路阻且長會面安可知
胡馬嘶北風越鳥巢南枝相去日已遠衣帶日已緩浮雲蔽白日遊子不顧反
思君令人老歲月忽已晚棄捐勿復道努力加餐飯

涉江采芙蓉蘭澤多芳草采之欲遺誰所思在遠道還顧望舊鄉長路漫浩浩
同心而離居傷憂以終老

青青河畔草鬱鬱園中柳盈盈樓上女皎皎當窻牖娥娥紅粉妝纖纖出素手

昔爲倡家女今爲蕩子婦蕩子行不歸空牀難獨守

蘭若生春陽涉冬猶盛滋願言追昔愛情款感四時美人在雲端天路隔無期

夜光照玄陰長歎戀所思誰謂我無憂積念發狂癡

庭前有奇樹綠葉發華滋攀條折其榮將以遺所思馨香盈懷袖路遠莫致之

此物何足貴但感別經時

迢迢牽牛星皎皎河漢女纖纖擢素手札札弄機杼終日不成章泣涕零如雨

河漢清且淺相去復幾許盈盈一水間脉脉不得語

明月何皎皎照我羅牀帷憂愁不能寐覽衣起徘徊客行雖云樂不如早旋歸

出戶獨彷徨愁思當告誰引領還入房淚下霑裳衣

李延年知音善歌舞每爲漢武帝作新歌變曲聞者莫不感動延年侍坐上起舞

歌曰北方有佳人絕出而獨立顧傾人城再顧傾人國傾城復傾國佳人難再得

蘇武詩一首

結髮爲夫婦恩愛兩不疑懽娛在今夕嫵婉及良時征夫懷遠路起視夜何其

參辰皆已沒去去從此辭征役在戰場相見未有期握手一長歎淚爲別生滋

努力愛春華莫忘懽樂時生當復來歸死當長相思

辛延年羽林郎詩一首

昔有霍家妹姓馮名子都依倚將軍勢調笑酒家胡胡姬年十五春日獨當鑪

長裾連理帶廣袖合歡襦頭上藍田玉耳後大秦珠兩鬢何窈窕一世良所無

一鬟五百萬兩鬢衰千萬餘不意金吾子娉婷過我廬銀鞍何昱爚翠蓋空峙嶠

就我求清酒絲繩提玉壺就我求珍肴金盤膾鯉魚貽我青銅鏡結我紅羅裾

不惜紅羅裂何論輕賤軀男兒愛後婦女子重前夫人生有新故貴賤不相踰

多謝金吾子私愛徒區區

班婕妤怨詩一首并序

昔漢成帝班婕妤好失寵供養於長信宮乃作賦自傷并爲怨詩一首

新裂齊紈素鮮潔如霜雪裁爲合歡扇團團似明月出入君懷袖動搖微風發

常恐秋節至涼風奪炎熱棄捐篋笥中恩情中道絕

宋子侯董嬌饒詩一首

洛陽城東路桃李生路傍花花自相對葉葉自相當春風東北起花葉正低昂

不知誰家子提籠行采桑纖手折其枝花落何飄颺請謝彼妹子何爲見損傷

高秋九月白露變爲霜終年會飄隨安得久馨香秋時自零落春月復芬芳
何時盛年去懽愛永相忘吾欲竟此曲此曲愁人腸歸來酌美酒挾瑟上高堂

漢時童謠歌一首

城中好高髻四方高一尺城中好大眉四方眉半額城中好廣袖四方用匹帛

張衡同聲歌一首

邂逅承際會遇得充後房情好新交接恐暎若揆湯不才勉自竭賤妾職所當
綢繆主中饋奉禮助蒸嘗思爲苑翦席在下蔽匡牀願爲羅衾幃在上衛風霜
洒掃清枕席鞞芬以狄香重戶結金局高下華鐙光衣解巾粉御列圖陳枕張
素女爲我師儀態盈萬方衆夫所希見天老教軒皇樂莫斯夜樂沒齒焉可忘

秦嘉贈婦詩三首并序

秦嘉字士會隴西人也爲郡上掾其妻徐淑寢疾還家不獲面別贈詩云尔
人生譬朝露居世多屯蹇憂艱常早至懽會常苦晚念當奉時役去尔日遙遠
遣車迎子還空往復空返省書情悽愴臨食不能飯獨坐空房中誰與相勸勉
長夜不能眠伏枕獨展轉憂來如尋環匪席不可卷

皇靈無私親爲善荷天祿傷我與尔身少小罹災獨既得結大義懽樂若不足

念當遠離別思念敘款曲河廣無舟梁道近隔丘陵臨路懷惆悵中駕正躑躅
浮雲起高山悲風激溪谷良馬不回鞍輕車不轉轂針藥可屢進愁思難爲數
貞士篤終始思義不可屬

肅肅僕夫征鏘鏘揚和鈴清晨當引邁束帶待鷄鳴顧看空室中髣髴想姿形
一別懷萬恨起坐爲不寧何用敘我心遺思致款誠寶釵可耀首明鏡可臨金形
芳香去垢穢素琴有清聲詩人感木瓜乃欲答瑤瓊媿彼贈我厚慙此往物輕
雖知未足報貴用敘我情

秦嘉妻徐淑答詩一首

妾身兮不令嬰疾兮來歸沈滯兮家門歷時兮不差曠廢兮侍覲情敬兮有違
君今兮奉命遠適兮京師悠悠兮離別無因兮敘懷瞻望兮踴躍佇立兮徘徊
思君兮感結寤想兮容輝君發兮引邁去我兮日乖恨無兮羽翼高飛兮相追
長吟兮永歎淚下兮霑衣

蔡邕飲馬長城窟行一首

青青河邊草綿綿思遠道遠道不可思宿昔寤見之寤見在我旁忽覺在他鄉
他鄉各異縣屢轉不相見枯桑知天風海水知天寒入門各自媚誰肯相爲言

客從遠方來遺我雙鯉魚呼兒烹鯉魚中有尺素書長跪讀素書書上言何如
上有加飡食下有長相憶

陳琳飲馬長城窟行一首

飲馬長城窟水寒傷馬骨往謂長城吏慎莫稽留太原卒官作自有程舉築諧
汝聲男兒寧當格鬪死何能怫鬱築長城長城何連連連連三千里邊城多健
少內舍多寡婦作書與內舍便嫁莫留住善事新姑章時時念我故夫子報書
往邊地君今出語一何鄙身在禍難中何爲稽留他家子生男慎莫舉生女哺
用脯君獨不見長城下死人骸骨相撐拄結髮行事君慊慊心意關邊地苦賤
妾何能久自全

徐幹室思一首

沈陰結愁憂愁憂爲誰興念與君生別各在天一方良會未有期中心摧且傷
不聊憂飡食慊慊常飢空端坐而無爲髣髴君容光其我我高山首悠悠萬里
道君去已日遠鬱鬱結令人老人生一世間忽若暮春草時不可再得何爲自愁
惱每誦昔鴻恩賤軀焉足保其浮雲何洋洋願因通我辭飄飄不可寄徒倚徒
相思人離皆復會君獨無反期自君之出矣明鏡暗不治思君如流水何有窮

已時^{其三}其慘慘時節盡蘭華凋復零喟然長歎息君期慰我情展轉不能寐長夜
何綿綿躡履起出戶仰觀三星連自恨志不遂泣涕如涌泉嗔思君見巾櫛以
盥我勞勤安得鴻鸞羽覩此中心人誠心亮不遂搔首立悵悵何言二不見復
會無因緣故如此目魚今隔如參辰^{其人}麻非不有初想君能終之別來歷年歲
舊思何可期重新而忘故君子所尤譏寄身雖在遠豈忘君須臾既厚不爲薄
想君時見思^{其六}

情詩一首

高殿鬱崇崇廣廈淒泠泠微風起閨闈落日照階庭峙嶮雲屋下嘯歌倚華楹
君行殊不返我飾爲誰榮鑪薰闔不用鏡匣上塵生綺羅失常色金翠暗無精
嘉肴既忘御旨酒亦常停顧瞻空寂寂惟聞鶯雀聲憂思連相囑中心如宿醒

繁欽定情詩一首

我出東門遊邂逅承清塵思君即幽房侍寢執衣巾時無桑中契迫此路側人
我即媚君姿君亦悅我顏何以致拳拳縮臂雙金釧何以致殷勤約指一雙銀
何以致區區耳中雙明珠何以致叩叩香囊繫繫肘後何以致契闊繞腕雙跳脫
何以結恩情珮玉綴羅纓何以結中心素縷連雙針何以結相於金薄畫搔頭

何以慰別離耳後瑇瑁釵何以答歡悅紈素三條裾何以結愁悲白絹雙中衣
與我期何所乃期東山隅日旰兮不至谷風吹我襦遠望無所見涕泣起峙嶠
與我期何所乃期山南陽日中兮不來凱風吹我裳逍遙莫誰覩望君愁我腸
與我期何所乃期西山側日夕兮不來躑躅長歎息遠望涼風至俯仰正衣服
與我期何所乃期山北岑日暮兮不來淒風吹我衿望君不能坐悲苦愁我心
愛身以何爲惜我華色時中情既款款然後尅密期褰衣躡茂草謂君不我欺
廁此醜陋質徒倚無所之自傷失所欲淚下如連絲

古詩無名人爲焦仲卿妻作并序

漢末建安中廬江府小吏焦仲卿妻劉氏爲仲卿母所遣自誓不嫁其家逼之
乃沒水而死仲卿聞之亦自縊於庭樹時傷之爲詩云尔
孔雀東南飛五里一徘徊十三能織素十四學裁衣十五彈箏篴十六誦詩書
十七爲君婦心中常苦悲君既爲府吏守節情不移鷄鳴入機織夜夜不得息
三日斷五匹大人故嫌遲非爲織作遲君家婦難爲妾不堪驅使徒留無所施
便可白公姥及時相遣歸府吏得聞之堂上啟阿母兒已薄祿相幸復得此婦
結髮同枕席黃泉共爲友共事二三年始尔未爲久女行無偏斜何意致不厚

阿母謂府吏何乃太區區此婦無禮節舉動自專由吾意久懷忿汝豈得自由
東家有賢女自名秦羅敷可憐體無比阿母爲汝求便可速遣之遣之慎莫留
府吏長跪答伏惟啟阿母今若遣此婦終老不復取阿母得聞之搥牀便大怒
小子無所畏何敢助婦語吾已失恩義會不相從許府吏默無聲再拜還入戶
舉言爲新婦哽咽不能語我自不驅卿逼迫有阿母卿但暫還家吾今且報府
不久當歸還還必相迎取以此下心意慎勿違吾語新婦謂府吏勿復重紛紜
往昔初陽歲謝家來貴門奉事循公姥進止敢自專晝夜勤作息伶俜縈苦辛
謂言無罪過供養卒大恩仍更被驅遣何言復來還妾有繡罽襦菱鞋自生光
紅羅複斗帳四角垂香囊箱簾六七十綠碧青絲繩物物各自異種種在其中
人賤物亦鄙不足迎後人留待作遣施於今無會因時時爲安慰久久莫相忘
鷄鳴外欲曙新婦起嚴妝著我繡袂裯事事四五通足下躡絲履頭上瑇瑁光
鬢若流紈素耳著明月璫指如削蔥根口如含朱丹纖纖作細步精妙世無雙
上堂拜阿母聽去不止昔作女兒時生小出野里本自無教訓兼媿貴家子
受母錢帛多不堪母驅使今日還家去念母勞家裏却與小姑別淚落連珠子
新婦初來時小姑如我長勤心養公姥好自相扶將初七及下九嬉戲莫相忘

出門登車去涕落百餘行府吏馬在前新婦車在後隱隱何甸甸俱會大道口
下馬入車中低頭共耳語誓不相隔鄉且暫還家去吾今且赴府不久當還歸
誓天不相負新婦謂府吏感君區區懷君既若見錄不久望君來君當作盤石
妾當作蒲葦蒲葦絢如絲盤石無轉移我有親及兄性行暴如雷恐不任我意
逆以煎我懷舉手長勞勞二情同依依入門上家堂進退無顏儀阿母大拊掌
不圖子自歸十三教汝織十四能裁衣十五彈箜篌十六知禮儀十七遣汝嫁
謂言無誓違汝今無罪過不迎而自歸蘭芝慙阿母兒實無罪過阿母大悲摧
還家十餘日縣令遣媒來云有第三郎窈窕世無雙年始十八九便言多令才
阿母謂阿女汝可去應之阿女銜淚答蘭芝初還時府吏見丁寧結誓不別離
今日違情義恐此事非奇自可斷來信徐徐更謂之阿母白媒人貧賤有此女
始適還家門不堪吏人婦豈合令郎君幸可廣問訊不得便相許媒人去數日
尋遣丞請還說有蘭家女承籍有宦官云有第五郎嬌逸未有婚遣丞爲媒人
主簿通語言直說太守家有此令郎君既欲結大義故遣來貴門阿母謝媒人
女子先有誓老姥豈敢言阿兄得聞之悵然心中煩舉言爲阿妹作計何不量
先嫁得府吏後嫁得郎君否泰如天地足以榮汝身不嫁義即體其佳欲何云

蘭芝仰頭答理實如兄言謝家事夫壻中道還兄門處分適兄意那得自任專
雖與府吏要渠會永無緣登即相許和便可作婚姻媒人下牀去諾諾復爾
還部白府君下官奉使命言談大有緣府君得聞之心中大歡喜視曆復開書
便利此月內六合正相應良吉三十日今已二十七卿可去成婚交語速裝束
駱驛如浮雲青雀白鵠舫四角龍子幡婀娜隨風轉金車玉作輪躑躅青驄馬
流蘇金縷鞍寶錢三百萬皆用青絲穿雜彩三百匹文廣市鮭珍從人四五百
鬱鬱登郡門阿母謂阿女適得府君書明日來迎汝何不衣裳莫令事不舉
阿女默無聲手中掩口噓淚落便如瀉移我瑠璃榻出置前窗下左手持刀尺
右手執綾羅朝成繡袂裊晚成單羅衫掩映日欲暝愁思出門噓府吏聞此變
因求假暫歸未至二三里催藏馬悲哀新婦識馬聲躡履相逢迎悵然遙相望
知是故人來舉手拍馬鞍嗟嘆使心傷自君別我後人事不可量果不如先願
又非君所詳我有親及母逼迫兼弟兄以我應他人君還何所望府吏謂新婦
賀卿得高遷盤石方可厚可以卒千年蒲葦一時絢便作旦夕間卿當日勝貴
吾獨向黃泉新婦謂府吏何意出此言同是被逼迫君尔妾亦然黃泉不相見
勿違今日言執手分道去各各還家門生人作死別恨恨那可論念與世間辭

千萬不復全府吏還家去上堂拜阿母今日大風寒寒風摧樹木嚴霜相結庭蘭
兒今日冥冥令母在後單故作不良計勿復怨鬼神命如南山石四體康且直
阿母得聞之零淚應聲落汝是大家子仕宦於臺閣慎勿爲婦死貴賤情何薄
東家有賢女窈窕豔城郭阿母爲汝求便復在旦夕府吏再拜還長嘆空房中
作計乃尔立轉頭向戶裏漸見愁煎迫其日牛馬嘶新婦入青廬菴菴黃昏後
寂寂人定初我命絕今日魂去尸長留攬裙脫絲履舉身赴青池府吏聞此事
心知長別離徘徊庭樹下自挂東南枝兩家求合葬合葬華山傍東西植松柏
左右種梧桐枝枝相覆蓋葉葉相交通中有雙飛鳥自名爲鴛鴦仰頭相向鳴
夜夜達五更行人駐足聽寡婦赴傍徨多謝後世人戒之慎勿忘

玉臺新詠卷第一

玉臺新詠卷第二

魏文帝於清河見輓船士新婚與妻別一首

又於清河作一首

又甄皇后樂府塘上行一首

劉勳妻王氏雜詩二首并序

曹植雜詩五首

樂府三首

棄婦詩一首

魏明帝樂府二首

阮籍詠懷詩二首

傅玄樂府詩七首

和班氏詩一首

張華情詩五首

雜詩二首

潘岳內顧詩二首

悼亡詩二首

石崇王昭君辭一首并序

左思嬌女詩一首

魏文帝於清河見輓船士新婚與妻別一首

與君結新婚宿昔當別離涼風動秋草蟋蟀鳴相隨冽寒蟬吟蟬吟抱枯枝
枯枝時飛揚身體忽遷移不悲身遷移但惜歲月馳歲月無窮極會合安可知
願爲雙黃鵠比翼戲清池

又清河作一首

方舟戲長水湛澹自浮沈弘歌發中流悲響有餘音音聲入君懷悽愴傷人心
心傷安所念但願恩情深願爲鷓鴣風鳥雙飛翔北林

又甄皇后樂府塘上行一首

蒲生我池中其葉何離離傍能行仁義莫若妾自知衆口鑠黃金使君生別離
念君去我時獨愁常苦悲想見君顏色感結傷心脾念君常苦悲夜夜不能寐
莫以豪賢故棄捐素所愛莫以魚肉賤棄捐蔥與薤莫以麻枲賤棄捐管與蒯
出亦復苦愁入亦復苦愁遍地多悲風樹木何脩脩從軍致獨樂延年壽千秋

劉勳妻王氏雜詩二首并序

王宋者平虜將軍劉勳妻也入門二十餘年後勳悅山陽司馬氏女以宋無子
出之還於道中作詩二首

翩翩牀前帳張以蔽光輝昔將尔同去今將尔共歸藏篋笥裏當復何時披
誰言去婦薄去婦情更重千里不唾井况乃昔所奉遠望未爲遥峙壻不得往

曹植雜詩五首

明月照高樓流光正徘徊上有愁思婦悲歎有餘哀借問歎者誰言是客子妻
君行踰十年孤妾常獨棲君若清路塵妾若濁水泥浮沉各異勢會合何時諧
願爲西南風長逝入君懷君懷時不開妾心當何依

西北有織婦綺縞何繽紛明晨秉機杼日昃不成文大息終長夜悲嘯入青雲

妾身守空房良人行從軍自期三年歸今已歷九春孤鳥繞樹翔嗷嗷鳴索羣
願爲南流景馳光見我君

微陰毳羽陽景清風飄我衣遊魚潛綠水翔鳥薄天飛眇眇客行士遙役不得歸
始出嚴霜結今來白露晞遊子歎黍離處者歌式微慷慨對嘉賓悽愴內傷悲

攬衣出中閨逍遙步兩楹閑房何寂寞綠草被階庭空室自生風百鳥翔南征
春思安可忘憂感與我并佳人在遠道妾身獨單煢歡會難再遇蘭芝不重榮
人皆棄舊愛君豈若平生寄松爲女蘿依水如浮萍束身奉衿帶朝夕不墮傾
儻願終盼眇永副我中情

南國有佳人容華若桃李朝遊江北岸夕宿湘川沚時俗薄朱顏誰爲發皓齒
俛仰歲將暮榮曜難久恃

美女篇

美女妖且閑采桑歧路間長條紛冉冉落葉何翩翩攘袖見素手皓腕約金環
頭上金盞斝鬋鬋佩翠琅玕明珠交玉體珊瑚間木難羅衣何飄飄輕裾隨風還
顧眄遺光彩長嘯氣若蘭行徒用息駕休者以忘餐借問女安居乃在城南端
青樓臨大路高門結重關容華暉朝日誰不希令顏媒氏何所營玉帛不時安

佳人慕高義求賢良獨難衆人何嗷嗷安知彼所歡盛年處房室中夜起長歎

種葛篇

種葛南山下葛蔓自成陰與君初婚時結髮恩義淡歡愛在枕席宿昔同衾衾
竊慕棠棣篇好樂和瑟琴行年將晚暮佳人懷異心恩絕曠不接我情遂抑沈
出門當何顧徘徊步北林下有交頸獸仰見雙棲禽攀枝長歎息淚下霑羅衿
良鳥知我悲延頸對我吟昔爲同池魚今若商與參往古皆歡遇我獨困於今
棄置委天命愁愁安可任

浮萍篇

浮萍寄清水隨風東西流結髮辭嚴親來爲君子仇恪勤在朝夕無端獲罪尤
在昔蒙恩惠和樂如瑟琴何意今摧積曠若商與參茱萸自有芳不若桂與蘭
新人雖可愛無若故所歡行雲有反期君恩儻中還慊慊仰天歎愁愁將何愬
日月不常處人生忽若遇悲風來入懷淚下如垂露發篋造裳衣裁縫紉與素

棄婦詩一首

石榴植前庭綠葉搖縹青丹華灼烈烈惟彩有光榮光好擘流離可以戲淑靈
有鳥飛來集樹翼以悲鳴悲鳴夫何爲丹華實不成拊心長歎息無子當歸寧

有子月經天無子若流星天月相終始流星沒無精棲遲失所宜下與瓦石并
憂懷從中來歎息通鷄鳴反側不能寐逍遙於前庭峙嶠還入房肅肅帷幕聲
褰帷更攝帶撫弦彈素箏慷慨有餘音要妙悲且清收淚長歎息何以負神靈
招搖待霜露何必春夏成晚穫爲良實願君且安寧

魏明帝樂府詩二首

昭昭素明月暉光燭我牀憂人不能寐耿耿夜何長微風衝閨闥羅帷自飄颺
攬衣曳長帶縱履下高堂東西安所之徘徊以傍徨春鳥向南飛翩翩獨翱翔
悲聲命儔匹哀鳴傷我腸感物懷所思泣涕忽霑裳

種瓜東井上冉冉自踰垣與君新爲婚瓜葛相結連寄託不肖軀有如倚太山
菟絲無根株蔓延自登緣萍藻託清流常恐身不全被蒙丘山惠賤妾執拳拳
天日照知之想君亦俱然

阮籍詠懷詩二首

二妃遊江濱逍遙從風翔交甫解環珮婉孌有芬芳猗靡情懽愛千載不相忘
傾城迷下蔡容好結中腸感激生憂思萱草樹蘭房膏沐爲誰施其雨怨朝陽
如何金磬文一旦更離傷

昔日繁華子安陵與龍陽天天桃李花灼灼有暉光悅懌若九春磬折似秋霜
流眇發媚姿言笑吐芬芳攜手等懽愛宿昔同衾裳願爲雙飛鳥比翼共翱翔
丹青著明誓永世不相忘

傅玄青青河邊草篇

青青河邊草悠悠萬里道草生在春時遠道還有期春至草不生期盡歎無聲
感物懷思心寤想發中情寤君如鴛鴦比翼雲間翔既覺寂無見曠如參與商
河洛自用固不如中岳安回流不及反浮雲徃自還悲風動思心悠悠誰知者
懸景無停居忽如馳駟馬傾耳懷音響轉目淚雙墮生存無會期要君黃泉下

苦相篇 豫章行

苦相身爲女卑陋難再陳兒男當門戶墮地自生神雄心志四海萬里望風塵
女育無欣愛不爲家所珍長大逃深室藏頭羞見人無淚適他鄉忽如雨絕雲
低頭和顏色素齒結朱脣跪拜無復數婢妾如嚴賓情合同雲漢葵藿仰陽春
心乖甚水火百惡集其身玉顏隨年變丈夫多好新昔爲形與影今爲胡與秦
胡秦時相見一絕踰參辰

有女篇 豔歌行

有女懷芬芳媿媿步東箱蛾眉分翠羽明目發清揚丹脣毳羽皓齒秀色若瑇瑁
巧笑露權壓衆媚不可詳容儀希世出無乃古毛嬙頭安金步搖耳繫明月璫
珠環約素腕翠盞垂鮮光文袍綴藻黼玉體映羅裳容華旣以豔志節擬秋霜
徽音冠青雲聲響流四方妙哉英媛德宜配侯與王靈應萬世合日月時相望
媒氏陳東帛羔鴈鳴前堂百兩盈中路起若鸞鳳翔兄夫徒踴躍望絕殊參商

朝時篇 怨歌行

昭昭朝時日皎皎晨明月十五入君門一別終華髮同心忽異離曠如胡與越
胡越有會時參辰遼且闊形影無髣髴音聲寂無達纖弦感促柱觸之哀聲發
情思如循環憂來不可遏塗山有餘恨詩人詠采葛蜻蛉吟牀下回風起幽閨
春榮隨露落芙蓉生木末自傷命不遇良辰永乖別已尔可柰何譬言如紉素列衣
孤雌翔故巢星流光景絕魂神馳萬里甘心要同穴

明月篇

皎皎明月光灼灼朝日暉昔爲春繭絲今爲秋女衣丹脣列素齒翠彩發娥眉
嬌子多好言歡合易爲姿玉顏盛有時秀色隨年衰常恐新閒舊變故興細微
浮萍無根本非水將何依憂喜更相接樂極自還悲

秋蘭篇

秋蘭蔭玉池池水清且芳芙蓉隨風發中有雙鴛鴦雙魚自踴躍兩鳥時回翔
君期歷九秋與妾同衣裳

西長安行

所思兮何在乃在西長安何用存問妾香橙雙珠環何用重存問羽斲翠琅玕
今我兮聞君更有兮異心香亦不可燒環亦不可沈香燒日有歇環沈日自淡

和班氏詩一首

秋胡納令室三日宦他鄉皎皎潔婦姿冷守空房嫵婉不終夕別如參與商
憂來猶四海易感難可防人言生日短愁者苦夜長百草揚春華攘腕采柔桑
素手尋繁枝落葉不盈筐羅衣毆羽玉體回目流彩章君子倦仕歸車馬如龍驤
精誠馳萬里既至兩相忘行人悅令顏請息此樹傍誘以逢郎喻遂下黃金裝
烈烈貞女忽言辭厲秋霜長驅及居室奉金升北堂毋立呼婦來歡情樂未央
秋胡見此婦惕然懷揆湯負心豈不慙永誓非所望清濁必異源鳧鳳不並翔
引身赴長流果哉潔婦腸彼夫既不淑此婦亦大剛

張華情詩五首

二之四

北方有佳人端坐鼓鳴琴終晨撫管弦日夕不成音憂來結不解我思存所欽
君子尋時役幽妾懷苦心初爲三載別於今久滯淫昔邪生戶牖庭內自成林
翔鳥鳴翠隅草蟲相和吟悲易感激俛仰淚流衿願託鸚鵡風翼束帶侍衣衾
明月曜清景朧光照玄墀幽人守靜夜回身入空帷束帶俟將朝廓落晨星稀
寤假文精爽覲我佳人姿巧笑媚權厭面聯媚眸與眉寐言增長歎悽然心獨悲
清風動惟簾晨月燭幽房佳人處遐遠蘭室無容光衿懷擁虛景輕衾覆空牀
居懽惜夜促在感怨宵長撫枕獨吟歎綿綿心內傷
君居北海陽妾在南江陰懸邈脩塗遠山川阻且深承驩注隆愛結分投所欽
銜思守篤義萬里託微心

遊自四野外逍遙獨延佇蘭蕙綠清蕖繁華蔭綠渚佳人在茲取此欲誰與
巢居覺風飄穴處識陰雨未曾遠別離安知慕儔侶

雜詩二首

逍遙遊春宮容與綠池阿白蘋齊素葉朱草茂丹華微風搖蒹葭增波動菱荷
榮彩曜中林流馨入綺羅王孫遊不歸脩路邈以遐誰與翫遺芳佇立獨咨嗟
荏苒日月運寒暑忽流易同好遊不存苔苔遠離析房櫳自來風戶庭無行迹

蒹葭生牀下蛛蝥網四壁懷思豈不隆感物重鬱鬱積遊鴈比翼翔歸鴻知接翮
來哉彼君子無愁徒自隔

潘岳內顧詩二首

靜居懷所歡登城望四澤春草鬱鬱青青桑柘何奕奕芳林振朱榮綠水激素石
初征冰未泮忽焉振絺綌漫漫三千里茗茗遠行客馳情戀朱顏寸陰過盈尺
夜愁極清晨朝悲終日夕山川信悠永願言良弗獲引領訊歸雲沈思不可釋
獨悲安所慕人生若朝露綿邈寄絕域眷戀想平素爾情既來追我心亦還顧
形體隔不達精爽交中路不見山上松隆冬不易故不見陵澗柏歲寒守一度
無謂希是疎在遠分彌固

悼亡詩二首

荏苒冬春謝寒暑忽流易之子歸窮泉重壤永幽隔私懷誰克從淹留亦何益
僂俛恭朝命回心反初役望廬思其人入室想所歷幃屏無髣髴翰墨有餘迹
流芳未及歿遺挂猶在壁帳幔如或存回遑忡驚惕如彼翰林鳥雙棲一朝隹
如彼遊川魚比目中路折春風緣隙來晨雷依簷滴寢息何時忘沈憂日盈積
庶幾有時衰莊缶猶可擊

嗷嗷窻中月照我室南端清商應秋至溽暑隨節闌瘰瘰涼風升始覺夏衾單
豈曰無重纊誰與同歲寒歲寒無與同朗月何朧朧展轉眄枕席長簟音牀空
牀空委清塵室虛來悲風獨無李氏靈彷彿覩尔容撫衿長歎息不覺涕霑骨
霑骨安能已悲懷從中起寢興自存形遺音猶在耳上慙東門吳下媿蒙莊子
賦詩欲言志零落難具紀命也詩奈何長戚自令鄙

石崇王昭君辭一首并序

王明君者本爲王昭君以觸文帝諱故改匈奴盛請婚於漢元帝以後宮良家
女子明君配焉昔公主嫁烏孫令琵琶馬上作樂以慰其道路之思其送明君
亦必尔也其造新之曲多哀怨之聲故敘之於紙云尔

我本漢家子將適單于庭辭訣未及終前驅已抗旌僕御涕流離轅馬爲悲鳴
哀鬱鬱傷五內泣淚霑珠璣行行日已遠乃造匈奴城延我於穹廬加我閼氏名
殊類非所安雖貴非所榮父子見陵辱對之慙且驚焉殺身良未易默默以苟生
苟生亦何聊積思常憤盈願假飛鴻翼棄之以遐征飛鴻不我顧佇立以屏營
昔爲匣中玉今爲菴上英朝華不足歡甘爲秋草并傳語後世人遠嫁難爲情

左思嬌女詩一首

吾家有嬌女皎皎頗白皙小字爲紉素口齒自清麻髮覆廣額雙耳似連壁
明朝弄梳臺黛眉類埽跡濃朱衍丹脣黃吻瀾漫赤嬌語若連瑣忿速乃明愷
握筆利彤管篆刻未期益執書愛紉素誦習矜所獲其姊字惠芳面目瞭如畫
輕莊喜縷邊臨鏡忘紡績舉解擬京北立的成復易玩弄眉頰間劇兼機杼役
從容好趙舞延袖像飛翾上下弦柱際文史輒卷壁顧眄屏風畫如見已指摘
丹青日塵闇明義爲隱蹟馳鴛翔園林菓下皆生摘紅葩掇紫蒂萍實驟抵擲
貪華風雨中倏眴數百適務躡霜雪戲重綦常累積并心注有饌端坐理盤榻
翰墨戢函按相與數離逃動爲鑪鉅屈屣復任之適止爲茶菽據吹吁對鼎鑊
脂膩漫白袖烟勳染珂錫衣被皆重池難與次水碧任其孺子意羞受長者責
瞥聞當與杖掩淚俱向壁

玉臺新詠卷第二

玉臺新詠卷第三

陸機擬古七首

爲顧彥先贈婦二首

周夫人贈車騎一首

樂府三首

陸雲爲顧彥先贈婦往反四首

張協雜詩一首

楊方合歡詩五首

王粲七夕觀織女詩一首

李充嘲友人一首

曹毗夜聽擣衣一首

陶潛擬古詩一首

荀昶樂府詩二首

王微雜詩二首

謝惠連雜詩三首

劉鑠雜詩五首

陸機擬古七首

高樓一何峻苕苕峻而安綺窗出塵冥飛階躡雲端佳人撫琴瑟纖手清且閑
芳草隨風結哀響馥若蘭玉容誰能顧傾城在一彈佇立望日吳躑躅再三歎
不怨佇立久但願歌者歡思駕歸鴻羽比翼雙飛翰

擬西北有高樓

西山何其峻曾曲鬱鬱崔嵬零露彌天墜蕙葉憑林衰寒暑相因襲時逝忽如遺
三閭結飛轡太宰悲落暉曷爲牽世務中心悵有違京雒多妖麗玉顏侔瓊粧

閑夜撫鳴琴惠音清且悲長歌赴促節哀響逐高徽唱萬夫歡再唱梁塵飛
思爲河曲鳥雙遊豐水溜

擬東城高且長

嘉樹生朝陽凝霜封其條執心守時信歲寒不敢凋美人何其曠灼灼在雲霄

隆想彌年時長嘯入風飄引領望天末
擬蘭若生春陽
焯焯天漢暉粲粲光天步牽牛西北回
織女東南顧華容一何綺揮手如振
素怨彼河無梁悲此年歲暮跋彼無良
緣睨焉不得度引領望大川雙涕如
沾露
擬茗茗牽牛星

靡靡江離草熠燿生河側皎皎彼姝女
阿那當軒織粲粲妖容姿灼灼華美色
良人遊不歸偏棲獨隻翼空房來悲風
中夜起歎息
擬青青河畔草
歡友蘭時往茗茗匿音微虞淵引絕景
四節遊若飛芳草久已茂佳人竟不歸
躑躅遵林渚惠風入我懷感物戀所歡
采此欲貽誰
擬庭中有奇樹
上山采瓊蕊紫穹谷饒芳蘭采采不盈
掬悠悠懷所歡故鄉一何曠山川阻且
難
沈思鐘萬里躑躅獨吟歎
擬涉江采芙蓉

爲顧彥先贈婦二首

辭家遠行遊悠悠三千里京洛多風塵
素衣化爲緇循身悼憂苦感念同懷子
隆思亂心曲沈歡滯不起歡沈難克興
心亂誰爲理願假歸鴻翼翻飛浙江汜
東南有思婦長歎充幽閨借問歎何爲
佳人眇天末遊宦久不歸山川脩且闊
形影參商乖音息曠不達離合非有常
譬彼弦與管願保金石志慰妾長飢渴

三之一

周夫人贈車騎一首

碎碎織細練爲君作緝襦君行豈有顧
憶君是妾夫昔者得君書聞君在高平
今時得君書聞君在京城京城華麗所
璀璨多異端男兒多遠志豈知妾念君
昔者與君別歲聿薄將暮日月一何速
素秋墜湛露湛露何冉冉思君隨歲晚
對食不能飡臨觴不能飯

樂府三首

樽桑升朝暉照此高臺端高臺多妖麗
洞房出清顏淑貌曜皎日惠心清且閑
美目揚玉澤蛾眉象翠翰鮮膚一何潤
彩色若可餐窈窕多容儀婉媚巧笑言
暮春春服成粲粲綺與紵金佳垂藻翹
瓊珮結瑤璠方駕揚清塵濯足洛水瀾
藹藹風雲會佳人一何繁南崖充羅幕
北渚盈軒軒清川含藻影高岸被華丹
馥馥芳袖揮泠泠纖指彈悲歌吐清音
雅舞播幽蘭丹脣含兒秋妍迹凌七盤
赴曲迅驚鴻蹈節如集鸞綺態隨顏變
沈姿無定源俯仰紛阿那顧步咸可歡
遺芳結飛焱浮景映清滿冶容不足詠
春遊良可歎
豔歌行

遊僊聚靈族高會曾山阿長風萬里舉
慶雲鬱鬱嵯峨宓妃興洛浦王韓起泰
華北徵瑤室女南要湘川娥肅肅宵駕
動翩翩翠蓋羅羽旗棲瑣鸞玉衡吐鳴
和

太容揮高弦洪崖發清歌獻酬既已周輕軒垂紫霞總轡搏桑枝濯足湯谷波
清暉溢天門垂慶惠皇家 前緩聲歌

江離生幽渚微芳不足宣被蒙風雨會移君華池邊發藻玉臺下垂影滄浪淵
霑潤既已淫結根與且堅四節遊不處華繁難久鮮淑氣與時殞餘芳隨風捐
天道有遷易人理無常全男懼智傾愚女愛衰避妍不惜微軀退但懼蒼蠅前
願君廣末光照妾薄暮年 塘上行

陸雲爲顧彥先贈婦往反四首

我在三川陽子居五湖陰山海一何曠譬彼飛與沈目想清惠姿耳存淑媚音
獨寐多遠念寤言撫空衿彼美同懷子非爾誰爲心

悠悠君行邁恍恍妾獨止山河安可踰永隔路萬里京室多妖冶粲粲都人子
雅步嫋纖曹巧笑發皓齒佳麗良可羨衰賤焉足紀遠蒙眷顧言銜恩非望始
翩翩飛蓬征郁郁寒木榮遊止固殊性浮沈豈一情隆愛結在昔信誓貫三靈
秉心金石固豈從時俗傾美日逝不顧纖曹徒盈盈何用結中款仰指北辰星

浮海難爲水遊林難爲觀容色貴及時朝華忌日晏皎皎彼姝子灼灼懷春粲
西城善雅舞總章饒清彈鳴簧葦丹唇朱弦繞素腕輕裾猶電揮雙袂如霞散

華容溢藻幄哀響入雲漢知音世所希非君誰能讚棄置北辰星問此玄龍煥
時暮勿復言華落理必賤

張協雜詩一首

秋夜涼風起清氣蕩暄濁蜻蛚吟階下飛蛾拂明燭君子從遠役佳人守燈獨
離居幾何時鑽燧忽改木房櫛無行迹庭草萋已綠青苔依空牆蜘蛛網四屋
感物多所懷沈憂結心曲

楊方合歡詩五首

虎嘯谷風起龍躍景雲浮同聲好相應同氣自相求我情與子親譬言如影追軀
食共竝根穗飲共連理栝衣用雙絲絹寢共無縫綯居願接膝坐行願攜手趨
子靜我不動子遊我無留齊彼同心鳥譬此比目魚情至斷金石膠漆未爲牢
但願長無別合形作一軀生爲併身物死爲同棺灰秦氏自言至我情不可儔
礧石招長針陽燧下炎煙宮商聲相和心同自相親我情與子合亦如影追身
寢共織成被絮用同功綿暑搖比翼扇寒坐併肩氈子笑我必哂子感我無懼
來與子共迹去與子同塵齊彼蛭蛭獸舉動不相捐惟願長無別合形作一身
生有同室好死成併棺民徐氏自言至我情不可陳

獨坐空室中愁有數千端悲響音答愁歎哀涕應苦言仿惶四顧望白日入西山
不覩佳人來但見飛鳥還飛鳥亦何樂夕宿自作君

飛黃銜長轡翼翼回輕輪俯涉綠水澗仰過九層山脩途曲且險秋草生兩邊
黃華如沓金白華如散銀青敷羅翠彩絳葩象赤雲爰有承露枝紫榮合素芬
扶踈垂清藻布翹芳且鮮目爲豔彩回心爲奇色旋撫心悼孤客俯仰還自憐
峙嶂向壁歎攬筆作此文

南隣有奇樹承春挺素華豐翹被長條綠葉蔽朱柯因風吐微音芳氣入紫霞
我心羨此木願徙着余家夕得遊其下朝得弄其葩爾根深且堅余宅淺且洿
移植良無期歎息將如何

王臨金七夕觀織女一首

牽牛悲殊館織女悼離家一稔期一宵此期良可喜嘉赫奕玄門開飛閣鬱鬱嗟
我隱隱驅千乘闐闐越星河六龍奮瑤轡文螭負瓊車火丹秉瑰燭素女執瓊華
絳旗若吐電朱蓋如振霞雲韶何嘈噉靈鼓鳴相和亭軒紆高眎眷予在岌岌
澤因芳露霑恩附蘭風加明發相從遊翩翩鸞鳥驚羅同遊不同觀念子憂怨多
敬因三祝末以爾屬皇娥

李充嘲友人一首

同好齊歡愛纏綿一何深子既識我情我亦知子心嫵婉歷年歲和樂如瑟琴
良辰不我俱中闊似商參爾隔北山陽我分南川陰嘉會罔克從積思安可任
目想妍麗姿耳存清媚音脩晝興永念遙夜獨悲吟逝將尋行役言別涕霑襟
願爾降玉趾一顧重千金

曹毗夜聽擣衣一首

寒興御紉素佳人理衣衾冬夜清且永皓月照堂陰纖手疊輕素朗杵叩鳴砧
清風流繁節回飈灑微吟嗟此往運速悼彼幽滯心二物感余懷豈但聲與音

陶潛擬古一首

日暮天無雲春風扇微和佳人美清夜達曙酣且歌歌竟長歎息持此感人多
明明雲間月灼灼葉中花豈無一時好不久當如何

荀昶樂府二首

朝發邯鄲邑暮宿井陘間井陘一何狹車馬不得旋邂逅相逢值崎嶇交一言
一言不容多伏軾問君家君家誠難知難知復易博南面平原居北趨相如閣
飛樓臨夕都通門枕華郭入門無所見但見雙棲鶴棲鶴數十雙鴛鴦羣相追

大兄珥金鐙中兄振纓綉伏臘二來歸隣里生光輝小第無所作鬪鷄東陌達
大婦織紵綺中婦縫羅衣小婦無所作挾瑟必弄音徽丈人且却坐梁塵將
欲飛

擬相逢狹路間

熒熒山上火茗茗隔隴左隴左不可至精爽通寤寐寤寐衾幃同忽覺在他邦
他邦各異邑相逐不相及迷墟在望煙木落知冰堅升朝各自進誰肯相攀牽
客從北方來遺我端弋綈命僕開弋綈中有隱起珪長跪讀隱珪辭苦聲亦悽
上言各努力下言長相懷

擬青青河邊草

王微雜詩二首

桑妾獨何懷傾筐未盈把自言悲苦多排却不肯捨妾悲叵陳訴填憂不消冶
寒鴈歸所從半塗失憑假壯情拚驅馳猛氣捍朝社常懷雪漢慙常欲復周雅
重名好銘勒輕軀願圖寫萬里度沙漠懸師蹈朔野傳聞兵失利不見來歸者
奚處埋於麾何處喪車馬拊心悼蒸人零淚覆面下徒謂久別離不見長孤寡
寂寂揜高門寥寥空廣廈待君竟不歸收顏今就擯

思婦臨高臺長想憑華軒弄弦不成曲哀歌若送言箕帚留江介良人處鴈門
詎憶無衣苦但知狐白溫日暗牛羊下野雀滿空園孟冬寒風起東壁正中昏

朱火獨照人抱景自愁怨誰知心曲亂所思不可論

謝惠連七月七日詠牛女

落日隱簷楹升月照房櫳團團滿葉露析析振條風蹠足備廣塗瞬目曬曾穹
雲漢有靈匹彌年闕相從遐川阻暱愛脩渚曠清容弄杼不成彩聳轡驚前蹤
昔離秋已兩今聚夕無雙傾河易回斡款顏難久悰沃若靈駕旋寂寥雲幄空
留情顧華寢遙心逐奔龍沈吟爲尔感情淡意彌重

擣衣

衡紀無淹度晷運倏如催白露滋園菊秋風落庭槐肅肅沙鷄羽烈烈寒蟬嘯
夕陰結空幕宵月皓中閨美人戒常服端飭相招攜簪玉出北房鳴金步南階
欄高砧響聳發楹長杵聲哀微芳起兩袖輕汗染雙頰紵素旣已成君子行不歸
裁用筭中刀縫爲萬里衣盈篋自予手幽絳俟君開罽帶準疇昔不知今是非

代古

客從遠方來贈我鵠文綾貯以相思篋絨以同心繩裁爲親身服著以俱寢興
別來經年歲歡心不可凌寫酒置井中誰能辯斗升合如杯中水誰能判淄澠

劉鑠雜詩五首

眇眇凌波道遙遙行遠之回車背京里揮手於此辭堂上流塵生庭中綠草滋
寒蠶翔水曲秋兔依山基芳年有華月佳人無還期日夕涼風起對酒長相思
悲發江南調夏委子衿詩臥看明鏡晦坐見輕紉緇淚容曠不飭幽鏡難復治
願垂薄暮景照妾桑榆時 代行行重行行

落宿半遙城浮雲謁曾闕玉宇來清風羅帳延秋月結思想伊人沈憂懷明發
誰謂行客遊屢見流芳歇河廣川無梁山高路難越 代明月何皎皎

白露秋風始秋風明月月初明月照高樓白露皎玄除迨及涼雲起行見寒林踈
客從遠方至贈我千里書先敘懷舊愛末陳久離居一章意不盡三復情有餘

願遂平生眷無使甘言虛 代孟冬寒氣至

淒淒含露臺肅肅迎風館思女御櫺軒哀心徹雲漢端撫悲弦泣獨對明鏡歎
良人久徭役耿介終昏旦楚楚秋水歌依依采菱彈 代青青河畔草

秋動清氛扇火移炎氣歇廣欄含夜陰高軒通夕月安步巡芳林傾望極雲闕
組幕縈漢陳龍駕凌霄發誰云長河遙頗劇促筵越沈情未申寫飛光已飄忽

來對眇難期今歡自茲沒 詠牛女

玉臺新詠卷第三

玉臺新詠卷第四

王僧達七夕月下首 顏延之爲織女贈牽牛七夕一首秋胡詩一首

鮑昭雜詩九首 王素學阮步兵體一首 吳邁遠擬樂府四首

鮑令暉雜詩六首 丘巨源雜詩二首 王元長雜詩五首

謝朓雜詩十二首 陸厥中山王孺子妾歌一首 施榮泰雜詩一首

王僧達七夕月下首

遠山斂雲侵廣庭揚月波氣往風集隙秋還露泣柯節期既已屏中霄振綺羅
來歡詎終夕收淚泣分河

顏延之爲織女贈牽牛

務女儷經星常娥棲飛月慙無二媛靈託身侍天闕閭闔殊未暉咸池豈沐髮
漢陰不久張長河爲誰越雖有促讌期方須涼風發虛計雙矐周空遲三星沒
非怨杼軸勞但念芳菲歇

秋胡詩一首

倚梧傾高鳳寒谷待鳴律影響豈不懷自遠每相匹婉彼幽閑女作嬪君子室
峻節貫秋霜明豔侔朝日嘉運旣我從欣願自此畢其燕居未及好良人顧有

違脫巾千里外結綬登王畿戒徒在昧旦左右來相依驅車出郊郭行路正威
遲存爲久離別沒爲長不歸其嗟余怨行役三陟窮晨暮嚴駕越風寒解鞍犯
霜露原隰多悲涼回飈卷高樹離獸起荒蹊驚鳥縱橫去悲哉遊宦子勞此山
川路其迢遙行人遠婉轉年運徂良時爲此別日月方向除孰知寒暑積僂俛
見榮枯歲暮臨空房涼風起坐隅寢興日已寒白露生庭蕪勤役從歸顧反
路遵山河昔辭秋未素今也歲載華蟄月觀時暇桑野多經過佳人從所務窈
窕援高柯傾城誰不顧弭節停中阿其年往誠思勞事遠闊音形雖爲五載別
相與昧平生捨車遵往路鳧藻馳目成南金豈不重聊自意所輕義心多苦調
密此金玉聲其高節難久淹竭來空復辭遲遲前途盡依依造門基上堂拜嘉
慶入室問何之日暮行采歸物色桑榆時美人望昏至慙歎前相持其有懷誰
能已聊用申苦難離居殊年歲一別阻河關春來無時豫秋至應早寒明發動
愁心閨中起長歎慘悽歲方晏日落遊子顏其高張生絕弦聲急由調起自昔
枉光塵結言固終始如何久爲別百行愆諸已君子失時義誰與偕沒齒媿彼
行露詩甘之長川其記

鮑昭翫月城西門

始見西南樓纖纖如玉鉤末映東北墀娟娟似娥眉娥眉蔽珠籠玉鉤隔綺窗
三五二八時千里與君同夜移衡漢落徘徊帷幃中歸華先委露別葉早辭風
客遊厭辛苦仕子倦飄塵沐澣自公日晏慰及私辰蜀琴搗白雪郢曲繞陽春
肴乾酒未缺金壺啓夕輪回軒駐輕蓋留酌待情人

代京雜篇

鳳樓十二重四戶八綺窗繡榻金蓮花桂柱玉盤龍珠簾無隔露羅幃不勝風
寶帳三千萬爲尔一朝容揚芬紫煙上垂彩綠雲中春吹回白日霜歌落塞鴻
但懼秋塵起盛愛逐衰蓬坐視青落滿臥對錦筵空琴筑縱橫散舞衣不復縫
古來皆歇薄君意豈獨濃惟見雙黃鵠千里一相從

擬樂府白頭吟

直如朱絲繩清如玉壺冰何慙宿昔意猜恨坐相仍人情賤恩舊世義逐衰興
毫髮一爲瑕丘山不可勝食苗實碩鼠點白信蒼蠅鳧遠成美新蜀前見凌
申黜哀女進班去趙姬昇周王日淪惑漢帝益嗟稱心賞猶難恃貌恭豈易憑
古來共如此非君獨撫膺

采桑詩

季春梅始落女工事蠶作采桑淇浦間還戲上官閣早蒲時結陰晚篁初解籜
藹藹露務滿閨融融景盈幕乳鷺逐草蟲巢蜂拾花藥是節最暄妍佳服又新爍
歛歎對回塗揚歌弄場雀榴琴試佇思薦珮果誠託承君郢中美服義久心諾
衛風古愉豔鄭俗舊浮薄虛願悲渡湘空賦笑灑洛盛明難重來淵意爲誰涸
君其且調弦桂酒妾行酌

寤還詩

銜淚出郭門撫劍無人達沙風閨塞起離心眷鄉畿夜分就孤枕寤想暫言歸
孀婦當戶笑搔絲復鳴機慊歎論久別相將還綺幃靡靡簷下涼臃臃窗裏輝
刈蘭爭芬芳采菊競葳蕤開匳集香蘇揆袖解纓微寐中長路近覺後大江違
驚起空歎息恍忽神魂飛白水漫漫浩浩高山壯巍巍波潮異往復風霜改榮衰
此土非吾土慷慨當訴誰

擬古

河畔草未黃胡鴈已矯翼秋蛩扶戶吟寒婦晨夜織去歲征人還流傳舊相識
聞君上龍土時東望久歎息宿昔衣帶改旦暮異容色念此憂如何夜長憂向多
明鏡塵匣中寶琴生網羅

詠鷺

雙鷺戲雲崖羽翮始差池出入南閨裏經過北堂垂意欲巢君幕層楹不可窺
沈吟芳歲晚徘徊回韶景移悲歌辭舊愛銜泥覓新知

贈故人

寒衣滅更然夕華晨更鮮春冰雖解冬冰復還堅佳人捨我去賞愛長絕緣
歡至不留時每感輒傷年

雙劍將別離先在匣中鳴煙雨交將夕從此遂分形雌沈吳江水雄飛入楚城
吳江深無底楚城有崇局一爲天地別豈直阻幽明神物終不隔千祀儻還并
王素學子阮步兵體

沈情發遐慮紆鬱懷所思髮鬢聞箏管鳴鳳接羸姬聯綿共雲翼嫵婉相攜持
寄言芳華士寵利不常期涇渭分清濁視彼谷風詩

吳邁遠擬樂府四首

可憐雙白鶴雙雙絕塵氛連翩弄光景交頸遊青雲逢羅復逢繳雌雄一旦分
哀聲流海曲孤叫出江濱豈不慕前侶爲尔不及羣步步零淚千里猶待君
樂哉新相知悲矣生別離恃此百年命共逐寸陰移譬言如空山草零落心

自知 飛來雙白鵠

百里望咸陽知是帝京城綠樹搖雲光春城起風色佳人愛景華流靡園塘側
妍姿豔月映羅衣飄蟬翼宋玉歌陽春巴人長歎息雅鄭不同賞那令君愴惻
生平重愛惠私自憐何極 陽春曲

生離不可聞況復長相思如何與君別當我盛年時蕙花每搖蕩妾心空自持
榮乏草木歡悴極霜露悲富貴身難老貧賤年易衰持此斷君腸君亦宜自疑
淮陰有逸將折翮謝翻飛楚亦扛鼎士出門不得歸正爲隆準公杖劍入紫微
君才定何如白日下爭暉 長別離

晨有行路客依依造門端人馬風塵色知從河塞還時我有同棲結宦遊邯鄲
將不異客子分飢復共寒煩君尺帛書寸心從此單遣妾長憔悴豈復歌笑顏
簷隱干霜樹庭枯十載蘭經春不舉袖秋落寧復看一見願道意君門已九關
虞卿棄相印擔簦爲同歡閨陰欲早霜何事空盤桓 長相思

鮑令暉擬青青河畔草

裊裊臨窻竹藹藹垂門桐灼灼青軒女泠泠高臺中明志逸秋霜玉顏豔春紅
人生誰不別恨君早從戎鳴弦慙夜月紺黛羞春風

四之三

擬客從遠方來

客從遠方來贈我漆鳴琴木有相思文弦有別離音終身執此調歲寒不改心
願作陽春曲宮商長相尋

題書後寄行人

自君之出矣臨軒不解顏砧杵夜不戢高門晝常關帳中流熠燿庭前華紫蘭
物枯謝節異鴻來知客寒遊用暮冬盡除春待君還

古意贈今人

寒鄉無異服衣氎伐文練月月望君歸年年不解綈荆楊春早和幽冀猶霜霰
北寒妾已知南心君不見誰爲道辛苦寄情雙飛鷺形迫杼煎絲顏落風催電
容華一朝盡惟餘心不變

代葛沙門妻郭小玉詩

明月何皎皎垂幘照羅茵若共相思夜知同憂怨晨芳華豈矜白霜露不憐人
君非青雲逝飄迹事成秦妾持一生淚經秋復度春
君子將徭役遺我雙題錦臨當欲去時復留相思枕題用常著心枕以憶同寢
行行日已遠轉覺思彌甚

丘巨源詠七寶扇

妙編貴東夏巧媛出吳闈裁狀白玉璧縫似明月輪表裏鏤七寶貝中銜駭鷄珍
畫作景山樹圖爲河洛神來延揮握玩入與鑲鈿親生風長袖際晞華紅粉津
拂眄迎嬌意隱映含歌人時移務忘故節改競存新卷情隨象簞舒心謝錦茵
慙歎何足道敬哉先後晨

聽隣妓

披社之遊術憑軼寡文才蓬門長自寂虛席視生埃貴里臨妝館東隣歌吹臺
雲閒嬌響徹風末豔聲來飛華瑤翠幄揚芬金碧格久絕中州美從念戶鄉灰
遺情悲近世中山安在哉

王元長古意

遊禽暮知反行人獨不歸坐銷芳草氣空度明月輝
嘖容入朝鏡思淚點春衣
巫山彩雲沒淇上綠條稀待君音不至秋鴈雙雙飛
霜氣下孟津秋風度函谷念君淒已寒當軒卷羅縠纖手廢裁縫曲鬢鬢罷膏沐
千里不相聞寸心懣懣氣氲氲况復飛螢夜木葉亂紛紛

詠琵琶

抱月如可明懷風殊復清絲中傳意緒花裏寄春情掩抑有奇態悽鏘多好聲
芳袖幸時拂龍門空自生

詠幔

幸得與珠綴罽罍君之楹月映不辭卷風來輒自輕每聚金鑪氣時駐玉琴聲
俱願致尊酒蘭釭當夜明

巫山高

響像巫山高薄暮陽臺曲煙霞乍舒卷蘅芳時斷續彼美如可期寤言紛在屬
撫然坐相思秋風下庭綠

謝朓贈王主簿

日落窻中坐紅妝好顏色舞衣辟衣未縫流黃覆不織蜻蛉草際飛遊蜂花上食
一遇長相思願寄連翩翼

清吹要碧玉調弦命綠珠輕歌急綺帶含笑解羅襦餘曲詎幾許高駕且峙壻
徘徊韶景暮惟有洛城隅

同王主簿怨情

掖庭聘絕國長門失歡讌相逢詠靡蕪辭寵悲團扇花叢亂數蝶風簾入雙燕

徒使春帶餘坐惜紅顏變平生一顧重夙昔千金賤故人心尚永故人不見

夜聽妓

瓊閨鈿響聞瑤席芳塵滿要取洛陽人共命江南管情多舞態遲意傾歌弄緩
知君密見親寸心傳玉鏡
上客光四座佳麗直千金挂釵報纓絕墮珥答琴心蛾眉已共笑清香復入衾
夜樂夜方靜翠帳垂沈沈

詠邯鄲故才人嫁爲廝養卒婦

生平宮閤裏出入侍丹墀開笥方羅縠窺鏡比蛾眉初別意未解去久日生悲
顛顛不自識嬌羞餘故姿寢中忽髣髴猶言承讌私

秋夜

秋夜促織鳴南隣擣衣急思君隔九重夜夜空佇立北窗輕幔垂西戶月光入
何知白露下坐視前階濕誰能長分居秋盡冬復及

雜詠五首

叢翠斜漢裏蓄寶宕山峰榴莖類僊掌銜光似燭龍飛蛾再三繞輕花四五重
孤對相思夕空照儂衣縫

鐙

杏梁宿未散桂宮明欲沈暖色輕帷裏低光照寶琴徘徊雲髻影灼爍綺踈金
恨君秋月夜遺我洞房陰

燭

本生朝夕池落景照參差汀洲蔽杜若幽渚奪江離遇君時采擷玉座奉金卮
但願羅衣拂無使素塵彌

席

玲瓏類丹檻茗亭似玄闕對鳳懸清冰垂龍挂明月照粉拂紅妝插花埋雲髮
玉顏徒自見常畏君情歇

鏡臺

新葉初冉冉初蕊新霏霏逢君後園讌相隨巧笑歸親勞君玉指摘以贈南威
用持插雲髻翡翠比光輝日暮長零落君恩不可追

落梅

陸厥中山王孺子妾歌

如姬寢臥內班妾坐同車洪波陪飲帳林光晏秦餘歲暮寒飈及秋水落芙蓉
子瑕矯後駕安陵泣前魚賤妾終已矣君子定焉如

施榮泰雜詩

趙女脩麗姿燕姬正容飾妝成桃毀紅黛起草慙色羅裊數十重猶輕一蟬翼
不言縠袖輕專歎風多力鏘珮玉池邊弄笑銀臺側折柳貽目成插蒲贈心識
來時嬌未盡還去媚何極

玉臺新詠卷第四

玉臺新詠卷第五

江淹四首

柳惲九首

鮑子卿二首

何遜一十首

江淹古體

遠與君別者乃至鴈門關黃雲蔽千里遊子何時還送君如昨日檐前露已團
不惜蕙草晚所悲道里寒君子在天涯妾心久別離願一見顏色不異瓊樹枝
兔絲及水萍所寄終不移

班婕妤

綾扇如團月出自機中素畫作秦王女乘鸞向煙霧彩色世所重雖新不代故
竊悲涼風至吹我玉階樹君子恩未畢零落在中路

張司空離情

秋月映簾櫳懸光入丹墀佳人撫鳴琴清夜守空帷蘭徑少行迹玉臺生網絲
夜樹發紅彩閨草含碧滋羅綺爲君整萬里贈所思願垂湛露惠信我皎日期

丘遲二首

江洪四首

何子朗三首

王樞三首

沈約二十四首

高爽一首

范靖婦四首

庾丹二首

休上人怨別

西北秋風至楚客心悠哉日暮碧雲合佳人殊未來露彩方泛豔月華始徘徊
寶書爲君掩瑤琴詎能開相思巫山渚悵望雲陽臺金鑪絕沈燎綺席徧浮埃
桂水日千里因之平生懷

丘遲敬詵柳僕射征怨

清歌自言妍雅舞空仙仙耳中解明月頭上落金鈿雀飛且近遠暮入綺窗前
魚戲雖南北終還荷葉邊惟見君行久新年非故年

答徐侍中爲人贈婦

丈夫吐然諾受命本遺家糟糠且棄置蓬首亂如麻側聞洛陽客金蓋翼高車
謁帝時來下光景不可奢幽房一洞啓二八盡芬華羅裾有長短翠鬢無低斜
長眉橫玉臉皓腕卷輕紗俱看依井蝶共取落檐花何言征戍苦抱膝空咨嗟

沈約登高望春

登高眺京洛街巷紛漠漠回首望長安城闕鬱鬱盤桓日出照鈿黛風過動羅紉
齊童躡朱履趙女揚翠翰春風搖雜樹葳蕤綠且丹寶瑟玫瑰柱金鞦韆瑁鞍
淹留宿下蔡置酒過上蘭解眉還復斂方知巧笑難佳期空靡靡含睇未成歡

嘉客不可見因君寄長歎

昭君辭

朝蕞披香殿夕濟汾陰河於茲懷九逝自此斂雙蛾沾莊疑湛露繞臆狀流波
日見奔沙起稍覺轉蓬多胡風犯肌骨非直傷綺羅銜涕試南望關山鬱鬱嗟峨
始作陽春曲終成苦寒歌惟有三五夜明月暫經過

少年新婚爲之詠

山陰柳家女莫言出田野半容好姿顏便僻工言語膏肢既軟弱衣服亦華楚
紅輪映早寒畫扇迎初暑錦履並花紋繡帶同心苴羅襦金薄廁雲鬢花釵舉
我情已鬱紆何用表崎嶇託意眉間黛申心上朱莫爭三春價坐喪千金軀
盈尺青銅鏡徑寸合浦珠無因達往意欲寄雙飛鳧裾開見玉趾衫薄映凝膚
羞言趙飛鸞笑殺秦羅敷自顧雖悴薄冠蓋曜城隅高門列駟駕廣路從驪駒
何慚鹿盧劍詎減府中趨還家問鄉里詎堪持作夫

雜曲三首

捨轡下彫輅更衣奉玉牀斜簪映秋水開鏡比春妝所畏紅顏促君恩不可長
鷄冠且容喬豈吝桂枝亡 攜手曲

西征登隴首東望不見家關樹插紫葉塞草發青身昆明當欲滿蒲萄應作花
流淚對漢使因書寄狹邪 有所思
河漢縱且橫北斗橫復直星漢空如此寧知心有憶孤燈暖不明寒機曉猶織
零淚向誰道鷄鳴徒歎息 夜夜曲

雜詠五首

楊柳亂如絲綺羅不自持春草青復綠客心傷此時翠落已結浦碧水復盈淇
日華照趙瑟風心動燕姬衽中萬行淚故是一相思 春詠
風來吹葉動風去畏花傷紅英已照灼況復含日光歌童暗理曲游女夜縫裳
詎減當春淚能斲思人腸 詠桃

月華臨靜夜夜靖滅氛埃方暉音戶入圓影隙中來高樓切思婦西園游上才
網軒映珠綴應門照綠苔洞房殊未曉清光信悠哉 詠月

輕陰拂建章夾道連未央因風結復解霑露柔且長楚妃思欲絕班女淚成行
流人未應去爲此歸故鄉 詠柳

江南簫管地妙響發孫枝慙勤寄玉指含情舉復垂彫梁再三繞輕塵四五移
曲中有深意丹誠君詎知 詠篴

六憶詩四首 三言五言

憶來時的的上階墀勤勤敍離別慊慊道相思相看常不足相見乃忘飢
憶坐時點點羅帳前或歌四五曲或弄兩三弦笑時應無比嗔時更可憐
憶食時臨盤動容色欲坐復羞坐欲食復羞食唯如不飢擊甌似無力
憶眠時人眠彊未眠解羅不待勸就枕更須牽復恐傍人見嬌羞在燭前

十詠二首

纖手製新奇刺作可憐儀縈絲飛鳳子結縷坐花兒不聲如動吹無風自畏移
麗色儻未歇聊承雲鬢垂 領邊繡
丹墀上颯沓玉殿下趨鏘逆轉珠珮響先表繡袿香裾開臨舞席拂袖繞歌堂
所歎忘懷妾見委入羅牀 脚下履

擬青青河邊草

漠漠牀上塵中心憶故人不可憶中夜長歎息歎息思想容儀不欲長別離
別離稍已久空牀寄栝酒

擬三婦

大婦埽玉墀中婦結羅帷小婦獨無事對鏡畫蛾眉良人且安臥夜長方自私

古意

挾瑟叢臺下徒倚愛容光佇立日已暮戚戚苦人腸露葵已堪摘湛水未霑裳
錦衾無獨煖羅衣空自香明月雖外照寧知心內傷

寤見美人

夜聞長歎息知君心有憶果自閭闔開魂交觀容色既薦巫山枕又奉齊眉食
立望復橫陳忽覺非在側那惡神傷者潺湲淚霑臆

效古

可憐桂樹枝單雄憶故雌歲暮異棲宿春至猶別離山河隔長路路遠絕容儀
豈云無我匹寸心終不移

初春

扶道寬陽春佳人共攜手草色獨自非林中都未有無事逐梅花空中信楊柳
且復歸去來含情寄杯酒

悼亡

去秋三五月今秋還照房今春蘭蕙草來春復吐芳悲哉人道異一謝永銷亡
屏筵空有設帷席更施張遊塵掩虛座孤帳覆空牀萬事無不盡徒令存者傷

柳惲擣衣詩一首

孤衾引思緒獨枕愴憂端深庭秋草綠高門白露寒思君起清夜促柱奏幽蘭
不怨飛蓬苦徒傷蕙草殘一行役滯風波游人淹不歸亭皋木葉下龍首秋雲
飛寒園多鳥集思牖草蟲悲嗟矣當春服安見禦冬衣其二鶴鳴勞永歎采萊傷
時暮念君方遠徯望妾理紉素秋風吹綠潭明月懸高樹佳人飾淨容招攜從
所務其三步擣杵不極離家霜已局軒高夕杵散氣爽夜砧鳴瑤華隨步響幽蘭
逐袂生時嶸理金翠容與納宵清其四泛豔回煙彩淵旋龜鶴文淒淒合歡袖再
苒蘭麝芬不怨杼軸苦所悲千里分垂泣送行李傾首還歸雲其五

鼓吹曲二首

別島望風臺天淵臨水殿芳草生未積春花落如霰散出從張公子還過趙飛鸞
奉帚長信宮誰知獨不見 獨不見

少長倡家女出入燕南垂惟持德自美本以容見知舊聞關山遠何事總金四鞵
妾心日已亂秋風鳴細枝 度關山

雜詩

雲輕色轉暖草綠晨芳歸山墟罷寒晦園澤潤朝暉春心多感動覩物情復悲

自君之出矣蘭堂罷鳴機徒知游宦是不念別離非

長門怨

玉壺夜惜惜應門重且深秋風動桂樹流月搖輕陰綺檐清露溽網戶思蟲吟
歎息下蘭閣含愁奏雅琴何由鳴曉珮復得抱宵衾無復金屋念豈照長門心

江南曲

汀州采白蘋日落江南春洞庭有歸客瀟湘逢故人故人何不返春華復應晚
不道新知樂且言行路遠

起夜來

城南斲車騎閣道覆清埃露華光翠網月影入蘭臺洞房且莫掩應門或復開
颼颼秋桂響非君起夜來

七夕穿針

黛馬秋不歸縑紉無復緒迎寒理夜縫映月播纖縷的皜愁睇光連娟思眉聚
清露下羅衣秋風吹玉柱流陰稍已多餘光欲難取

詠席

照日汀州際搖風綠潭側雖無獨繭輕幸有青袍色羅袖少輕塵象牀多麗飾

願君蘭夜飲佳人時宴息

江洪詠歌姬

寶鑷閒珠花分明靚莊點薄鬢約微黃輕紅澹鉛臉發言芳已馳復加蘭蕙染
浮聲易傷歎沈唱安而險孤轉忽徘徊雙蛾乍舒斂不持全示人半用輕紗掩
舞女

要胥纖蔑楚媛體輕非趙姬映衿闥寶粟綠肘挂珠絲發袖已成態動足復含姿
斜精若不助當轉復遲疑何慙雲鶴起詎減鳳鸞時

詠紅箋

雜彩何足奇惟紅偏作可灼爍類渠開輕明似霞破鏤質卷芳脂裁花承百和
且傳別離心復是相思裏不值情幸人豈識風流座

詠菡薇

當戶種菡薇枝葉太葳蕤不搖香已亂無風花自飛春閨不能靜開匣對明妃
曲池浮采采斜岸列依依或聞好音度時見銜泥歸且對清觴湛其餘任是非

高爽詠鏡

初上鳳皇墀此鏡照蛾眉言照長相守不照長相思虛心會不采貞明空自欺

無言故此物更復對新期

鮑子卿詠畫扇

細絲本自輕弱彩何足晒直爲發紅顏謬成握中扇乍奉長門泣時承柏梁宴
思莊開已掩歌容隱而見但畫雙黃鶴莫作孤飛鷺

詠玉階

玉階已夸麗復得臨紫微北戶接翠幄南路低金扉重疊通日影參差藏月輝
輕落染珠履微澱拂羅衣獨笑崑山曲空見青鳧飛

何子朗學子謝體

桂臺清露拂銅陛落花沾美人紅妝罷攀鉤卷細簾思君擊手促纖玉指何纖纖
未應爲此別無故坐相嫌

和虞記室騫古意

美人弄白日灼灼當春牖清鏡對蛾眉新花映玉手鸞下拾池泥風來吹細柳
君子何時歸與我酌尊酒

和繆郎視月

清夜未云疲細簾聊可發玲玲玉潭水映見蛾眉月靡靡露方垂輝輝光稍沒

佳人復千里餘影徒揮忽

范靖婦詠步搖花

珠華紫翡翠寶葉閒金瓊剪荷不似制衣爲花如自生低枝拂繡領微步動瑤瑛
但令雲髻插蛾眉本易成

戲蕭孌

明珠翠羽帳金薄綠綃帷因風時暫舉想象見芳姿清晨插步搖向晚解羅衣
託意風流子佳情詎肯私

詠五彩竹火籠

可憐潤霜質纖剖復豪分織作回風苴製衣爲紫綺文含芳出珠被曜彩接綉羣
徒嗟金麗飾豈念昔凌雲

詠鐙

綺筵日已暮羅帷月未歸開花散鵲彩含光出九微風軒動丹焰冰宇澹清暉
不吝輕蛾繞惟恐曉蠅飛

何遜日夕望江贈魚司馬

溢城帶溢水溢水紫如帶日夕望高城耿耿青雲外城中多宴賞絲竹常繁會

管聲已流悅，弢聲復悽切。歌黛慘如愁，舞靨疑欲絕。仲秋黃葉下，長風正騷屑。早鴈出雲歸，故鶯辭檐別。晝悲在異縣，夜寢還洛汭。洛汭何悠悠，起望登西樓。的的颿向浦，團團日隱州。誰能一羽化，輕舉逐飛浮。

擬輕薄篇

城東美少年，重身輕萬億。拓彈隨珠丸，白馬黃金飾。長安九達上，青槐蔭道植。轂擊晨已喧，肩排暗不息。走狗通西望，牽牛亘南直。相期百戲傍，去來三市側。象牀香繡被，玉盤傳綺食。倡女掩扇歌，小婦開簾織。相看獨隱笑，見人還斂色。黃鶴悲故羣，山枝詠初識。鳥飛過客盡，雀聚行龍匿。酌羽前耿耿，此時歡未極。

詠照鏡

珠簾旦初卷，綺機朝未織。玉匣開臨金，形寶臺臨淨。飾對影獨含，笑看花空轉。側聊爲出繭，看試染天飛。色羽釵如可，閒金鈿長相逼。蕩子行未歸，曉妝坐霑臆。

閨怨

曉河沒高棟，斜月半空庭。窗中度落葉，簾外隔飛螢。含情下翠帳，掩涕閉金屏。昔期今未反，春草寒復青。思君無轉易，何異北辰星。

詠七夕

僊車駐七襄，鳳駕出天潢。月映九微火，風吹百和香。來歡暫巧笑，還淚已噉妝。依稀猶洛汭，倏忽似高唐。別離不得見，河漢漸湯湯。

詠舞妓

管清羅薦合，弦驚馬雪袖。遲逐唱回纖，手聽曲動蛾。眉凝情盼墮，珥微睇託含。辭日暮留嘉客，相看愛此時。

看新婦

霧夕蓮出水，霞朝日照梁。何如花燭夜，輕扇掩紅妝。良人復灼灼，席上自生光。所悲高駕動，環珮出長廊。

詠倡家

皎皎高樓暮，華燭帳前明。羅帷雀釵影，寶瑟鳳鷗聲。夜花枝上發，新月霧中生。誰念當窻牖，相望獨盈盈。

詠白鷗嘲別者

可憐雙白鷗，朝夕水上游。何言異棲息，雌住雄不留。孤飛出嶼浦，獨宿下滄州。東西從此去，影響絕無由。

學青青河邊草

春園日應好折花望遠道秋夜苦復長抱枕向空牀吹樓下促節不言於此別
歌筵掩團扇何時一相見弘絕猶依軫葉落裁下枝即此雖云別方我未成離

嘲劉孝綽

房櫳滅夜火窗戶映朝光妖女褰帷出蹀躞初下牀雀釵橫曉鬢蛾眉豔宿妝
稍聞玉鈿遠猶憐翠被香寧知早朝客差池已鴈行

王樞古意應蕭信武教

朝取飢蠶食夜縫千里衣復聞南陌上日暮采蓮歸青箔覆寒井紅藥閒青微
人生樂自極良時徒見違何由及新鸞雙雙還共飛

至烏林村見采桑者聊以贈之

遙見提筐下翩妍實端妙將去復回身欲語先爲笑閨中初別離不許覓新知
空結茱萸帶敢報木蘭枝

徐尚書座賦得可憐

紅蓮披白露玉帛映朝霞飛鸞曉妝罷顧步插餘花湑布金鈿滿參差繡領斜
暮還垂瑤帳香鐙照九華

庾丹秋閨有望

五之七

耿耿橫天漢飄飄出岫雲月斜樹倒影風至水回文已泣機中婦復悲牀上君
羅襦曉長臂翠被夜徒薰空汲銀牀井誰縫金縷裊所思音不至空持清夜分

夜寢還家

歸飛寢所憶共子汲寒漿銅瓶素絲綆綺井白銀牀雀出丰茸樹蟲飛瑤瑁梁
離人不相見難忍對春光

玉臺新詠卷第五



